

27. april 2015

UPA2015/41/42

Inatsisartut suleriaasianni § 33 naapertorlugu aaliangiiffigisassatut siunnersuut imaattoq matumuuna saqqummiuppara:

Inatsisartuni Naalakkersuisunilu il. II. Ilaasortat aningaasarsiaqartitaanerat il. II. pillugit Inatsisartut Inatsisaanni nr. 22-mi, 18. december 2003-meersup (akissarsiaqartitaaner- mut Inatsit) imatut allanngortinnejarnissaanut siunnersuuteqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut:

- 1) Naalakkersuisuni Inatsisartuniluunniit ilaasortaasimasut sivisunerpaamik ilaasortaajunnaarnersiaqarsinnaatitaanerat apparneqassaaq aqqaneq marlunniit qaammatinut arfinilinnut.**
- 2. Inatsisartuni Naalakkersuisuniluunniit ilaasortat ukiup atuuffiusup ataatsip aallartinnerani ilaasortaajunnaarnersiutisiassaat qaammammik ataatsimik ilaneqartassapput.**
- 3. Ilaasortaajunnaanersiutisiaqarnissap sivikinnerpaamik maannakkut qaammatinik pingasunik sivisussuseqartoq qaammammut ataatsimut apparneqassaaq.**

(Inatsisartunut ilaasortaq Randi Vestergaard Evaldsen, Demokratit)

Siumumiit aalajangiiffigisassatut siunnersuutit imaattumik oqaaseqarfingissavagut:

Uanilu aaliangiiffigisassatut siunnersuutit siunertarivaat Inatsisartuni Naalakkersuisunilu ilaasortat sullissereernermik kingorna ajunngittorsiassaasa affaannanngortinnejarnissaat, taamatullu qiningaangaanni qaammatip tulliuttup aallaqqaataaniik aatsaat akissarsisarnissaq.

Siumumiillu isumaqarpugut Inatsisartut Inatsisaanni nr. 22-mi 18. December 2003-meersup suliaanerata ajornerulersinnissaanut tunngavissaqanngitsugut, tassami siunissaq ungasinnerusoq eqqasaatingalugu qinikkatut sullissinissaq ornigineqassappat pitsangorsaanissaq saneqqunneqar- sinnaanngilaq.

Qinikkatullu sullissinissamik aallartisarnissami toqqisisimanaartumik aallartittoqassappat kingumoortumik akissarsiaqarnissaq naleqqulluinnartoq Siumumiik isumaqarpugut.

Aaliangersimasumillu suliffeqarsimannngikkaanni suut tamarmik aallaqqaataaniik aallartinneqartariaqassapput ilaasortaajunnaasimangaanni, tassanilu piffissaq ullormiik ullormut pisanggitsoq ilisimalluinnarparput.

Naalakkersuisusuusimagaannilu aalisarnermik piniarnermillu inuussutissarsiuteqarluni aallarteqperiarnissaq suli ajornarnerujussuusussaavoq, tassami saniatigut ingerlataqarnissaq inatsisit ajornartippaat, imaaliinnarlugillu ukiuni makkunani pissarsiassaanngillat.

Nunattalu qinikkanik misilittangaqarluartunik sullinneqarnissaa pisariaqarluinnarmat, taamatullu ilinniarluarsimasunik sullinneqassappat atungassarititaasunik pitsangorsaanissaq Siumumiik pingaarluinnartutut isingaarpuit.

Taamatut naatsumik oqaaseqarluta, Naalakkersuisut peqquneqarnissaannik Inatsisartut aalajangiiffigisassaattut siunnersuutit itigartinneqassasut inassutingaavut

Nikolaj Jeremiassen
Siumut